

REGLEMENT VUM CONCOURS ËMFRO "BEZUELBARE WUNNRAUM" ZU LËTZEBUERG

Reglement vum Concours

Verlousung organiséiert vum LISER a Presenz vun engem Huissier

1. Déi ëffentlech Institutioun Luxembourg Institute of Socio-Economic Research (am Rescht vun dësem Dokument „LISER“ oder „Zentre“ genannt), déi hire Sëtz an der Maison des Sciences Humaines um 11, Porte des Sciences, L-4366 Esch-sur-Alzette/Belval huet an duerch hir statutaresh Organer representéiert ass, déi zurzäit am Amt sinn, organiséiert e Concours am Kader vun der **Ëmfro "bezielbare Wunnraum" zu Lëtzebuerg**, (am Rescht vun dësem Dokument „Ëmfro“ genannt).
2. De Concours leeft vum 1. Februar bis den 31. Mäerz 2023.
3. De Concours ass op fir Beneficiairë vun der "Stéftung fir den Zougang zum Logement", dem "Fonds de Logement" an der "Société Nationale d'Habitation Bon Marché", déi zougestëmmt hunn, un der Ëmfro deelzehuelen. Questionnairen ofgeschloss nom Ofschlossdatum, ginn net fir de Concours ugesinn.
4. D'Membere vum Personal (Salariéen a Fräiberuffler) aus dem Zentre, deen de Concours organiséiert, esou wéi d'Familljemembere vun deene Persounen, déi hei uewen opgezielt sinn, däerfen net bei dësem Concours matmaachen. All Famill (selwechte Familljenumm a selwecht Adress) ka just ee Präis gewannen.
5. D'Präisser ze gewannen si wéi folgend pro Famill:
 - 1 x Präis Nr. 1: 1 Samsung Galaxy Tab A7 digital Tablett (oder gläichwäerteg)
 - 3 x Präis Nr. 2: 1 Kaddoskaart vun der Librairie Ernster am Wäert vu 50€
 - 4 x Präis Nr. 3: 3 Entréeë fir de Luxembourg Science Zenter
6. D'Verlousung gëtt an der Woch tëscht dem 10. an dem 14. Abrëll 2023 a Presenz vun engem Huissier an de Raimlechkeete vum LISER, vun de Membere vum Personal vum Zentre duerchgefëiert, déi un der Organisatioun vun dësem Concours bedeelegt sinn. Am Ganze gi 10 Persounen ausgeloust an als Gewënner ausgezeechent, virausgesat se erfëllen d'Modalitéiten, déi hei uewen ugi sinn.
Wann dat net de Fall ass, gëtt de Präis direkt frësch verloust an dat esou laang, bis en un eng Persoun ka vergi ginn, déi d'Bedéngungen erfëllt.
D'Gewënner vum Concours kréie per E-Mail Bescheid gesot, datt se gewonnen hunn. De Präis kann dann an de Raimlechkeete vum LISER an der Maison des Sciences Humaines um 11, Porte des Sciences, L-4366 Esch-sur-Alzette/Belval ofgeholl ginn.
D'Gewënner hu bis den 15. Mee 2023 Zäit, fir hire Präis sichen ze kommen. Wa bis deen Datum ee vun de Gewënner sech net gemellt huet, geet säi Präis un de LISER als Organisateur a Responsabel vum Concours, deen en no sengem Wëlle ka benotzen.

REGLEMENT VUM CONCOURS ËMFRO "BEZUELBARE WUNNRAUM" ZU LËTZEBUERG

7. All Persoun, déi beim Concours matmécht, muss dëst Reglement respektéieren. De kompletten Text vum Reglement ass bei der Etüd vun den Huissieren TAPELLA & NILLES, déi hire Sëtz um 14-16, rue du Canal, L-4050 Esch/Alzette huet, deposéiert a kann op der Websäit www.tapella-nilles.lu consultéiert ginn. En ass och op der Websäit vun der Ëmfro publizéiert (<https://ahouse1.liser.lu>). De kompletten Text vum Reglement kréien d'Participanten per E-Mail geschéckt, zum selwechte Moment, wou d'Participatioun um Concours bestätegt gëtt.
8. D'Matmaache beim Concours ass gratis. Et ass nëmme méiglech, um Concours op déi Aart a Weis deelzehuelen, déi an dësem Reglement virgesinn ass.
9. Et gëtt keng Plainte ugeholl, wat d'Organisatioun vun dësem Concours ugeet, ausser wann de Zentre eng Faute grave oder en absichtleche Feeler mécht. D'Verlousung vun de Gewënner kann ënner kengen Ëmstänn ugefecht ginn, ausser am Fall vun enger Faute grave oder engem absichtleche Feeler.
10. De LISER kann d'Präisser net géint aner Produiten oder Servicer an och net géint Boergeld ëmtauschen. D'Attributioun vun dëse Präisser kann ënner kengen Ëmstänn ugefecht ginn, ausser am Fall vun enger Faute grave oder engem absichtleche Feeler vum Zentre.
11. De LISER verpflichtet sech, d'Dateschutzreglement ze respektéieren.
De LISER sammelt Identifikatiounsdonnéeën op Basis vun de Participanten hirer Zoustëmmung, fir dës Participanten fir d'Lotterie anzeschreiwen a se an dësem Kader ze verwalten.
De LISER verpflichtet sech, déi perséinlech Daten nëmmen zu deenen Zwecker ze benotzen, fir déi e se gesammelt huet, an hir Vertraulechkeet ze garantéieren. Et gi kengerlee perséinlech Daten un Drëttorganisatiounen weidergeleet.
De LISER verpflichtet sech, d'Ausübe vun de Rechter vun de betraffene Persounen mat Hëllef vun de Moyenen, déi en dem Participant zu deem Zweck uginn huet, ze vereinfachen.
Wann d'Lotterie ofgeschloss ass, zerstéiert de LISER all d'Donnéeën, déi am Kader vun dësem Concours gesammelt gi sinn.
12. D'Responsabilitéit vum Zentre a sengen Organer, Employéen a Mandatairen am Kader vun dësem Concours, wat och ëmmer de legale Grond ass, ass op Fäll vun absichtleche Feeler a schlëmmer Noléissegkeet limitéiert.
13. D'Organisateuren vum Concours behalen sech d'Recht vir, de Concours ze änneren oder ze suspendéieren am Fall vun engem gréisseren Evenement, dat d'Duerchféiere vum Concours onméiglech mécht. Am Fall wou verschidde Clausen ongëlteg wieren oder et géife ginn, gëllen déi aner Participatiounsbedéngungen.
14. De Concours an all aner Fro, wat d'Interpretatioun vum Reglement ugeet, gi vum lëtzebuergesche Recht gereegelt an ënnerleien der Kompetenz vun de Lëtzebuurger Gerichter.